

Na osnovu člana 32. Zakona o javnim nabavkama („Službeni glasnik BiH“ broj 39/14), a nakon provedenog otvorenog postupka za javnu nabavku roba – Ortopedska medicinska sredstva, objavljenog na web portalu javnih nabavki dana 06.03.2017. godine i u „Službenom glasniku BiH“ broj 17/17 od 10.03.2017. godine, zaključen je

OKVIRNI SPORAZUM

Između:

Javna ustanova Opća bolnica „Prim. dr. Abdulah Nakaš“,
Ul. Kranjčevićeva broj 12, 71000 Sarajevo,
koju zastupa direktor prim. dr Zlatko Kravić
Identifikacijski broj: 4200288400001,
(u daljnjem tekstu: Kupac)

i

INEL-MED d.o.o. Mostar,
Sjedište: Rudarska broj 20B, 88000 Mostar,
koga zastupa direktor Mira Tadić,
Identifikacijski broj dobavljača: 4227082520006
Transakcijski račun dobavljača: 3381002200013857
Naziv banke dobavljača: UniCredit Bank d.d. Mostar
(u daljnjem tekstu: Dobavljač),

Član 1.

Predmet Okvirnog sporazuma je nabavka roba: Ortopedska medicinska sredstva po lotovima:
LOT - 2 – Ortopedski materijal – Pločice sa dinamičnim šarafima za kuk
LOT - 3 – Ortopedski materijal - Proksimalni femoralni čavao
LOT - 4 – Ortopedski materijal - Kanulirani šarafi, nesterilni
putem otvorenog postupka, prema ponudi broj: 1703/17 od 17.03.2017. godine, a na osnovu Odluke o izboru najpovoljnijeg ponuđača broj 688-9/17 od 05.05.2017.godine.

Ponuda sa specifikacijom roba broj: 1703/17 od 17.03.2017. godine i dokumentacija dostavljena po predmetnoj nabavci sastavni su dio ovog sporazuma,

dalje: ponude Dobavljača, (ugovorne strane podrazumijevaju da kompletna ponuda Dobavljača koja je dostavljena po predmetnoj nabavci sa svim dostavljenim dokumentima / aktima / dokazima / nacrtima / specifikacijama i dr. čini sastavni dio sporazuma s tim da se zbog obimnosti iste uz sporazum fizički vežu samo dokumenti iz ponude koji se odnose na osnovne komercijalne i tehničke elemente ugovora / nabavke), dostavljene po otvorenom postupku – tender broj 1/17,

Član 2.

Okvirni sporazum (u daljem tekstu: sporazum) se zaključuje na period od 2 (dvije) godine i traje do isteka sporazuma odnosno do utrošene maksimalne finansijske vrijednosti po lotovima:

LOT - 2 - Ortopedski materijal – Pločice sa dinamičnim šarafima za kuk - do 10.861,60 KM bez uračunatog PDV-a, odnosno 12.708,07 KM sa uračunatim PDV-om na dvogodišnjem nivou,

LOT – 3 – Ortopedski materijal - Proksimalni femoralni čavao - do 41.734,00 KM bez uračunatog PDV-a, odnosno 48.828,78 KM sa uračunatim PDV-om na dvogodišnjem nivou

LOT – 4 – Ortopedski materijal - Kanulirani šarafi, nesterilni - do 7.616,00 KM bez uračunatog PDV-a, odnosno 8.910,84 KM sa uračunatim PDV-om na dvogodišnjem nivou

Za vrijeme trajanja sporazuma predviđa se sklapanje 2 (dva) ugovora o javnoj nabavci predmetnih roba po nepromijenjenim uslovima sa dobavljačemkojem se dodjeljuje ugovor u skladu sa članom 3. Okvirnog sporazuma iz oblasti nabavke predmetnih roba.

Član 3.

Strane u sporazumu zaključit će pojedinačne ugovore. Prvi ugovor će se zaključiti istovremeno sa zaključivanjem ovog sporazuma, a nakon provedenog postupka javne nabavke, dok će se drugi ugovor zaključiti bez sprovođenja postupka javne nabavke.

Količine roba iz Obrasca za cijenu ponude nisu obavezujuće za ugovorni organ.

Cijene roba iz Obrasca za cijenu ponude su nepromjenjive za cijeli ugovoreni period i ne podliježu bilo kakvim promjenama u toku izvršenja sporazuma.

Ugovorne strane su saglasne da sporazum realizuju prema već definisanim uslovima u Obavještenju o javnoj nabavci putem otvorenog postupka nabavke, tenderskoj dokumentaciji, ugovoru o javnoj nabavci roba i ponudi Dobavljača.

Član 4.

Ukoliko se jedna od ugovornih strana ne pridržava odredbi ovog sporazuma, druga ugovorna strana ima pravo na jednostrani raskid sporazuma.

Raskid sporazuma se vrši u pismenoj formi.

Član 5.

Ovaj sporazum stupa na snagu danom obostranog potpisivanja od strane ovlaštenih lica ugovornih strana.

Odredbe ovog sporazuma ne mogu se mijenjati nakon njegovog zaključenja.

Član 6.

Kupac nema obavezu realizacije ovog sporazuma, niti djelimično, niti u cjelosti, te ne snosi odgovornost za isto.

Ukoliko Dobavljač ne ispunjava svoje preuzete obaveze, Kupac će ga pismeno pozvati da postupi prema odredbama ovog sporazuma.

Ako Dobavljač ne postupi prema pismenoj opomeni iz stava 2. ovog člana ni u danom naknadnom primjerenom roku, Kupac zadržava pravo da jednostrano raskine ovaj sporazum i traži naknadu nastale štete.

Član 7.

Sve eventualne sporove ugovorne strane će rješavati sporazumno, u duhu dobrih poslovnih odnosa i uzajamnog povjerenja.

Ukoliko se sporazumno rješenje ne postigne, nadležan je Sud u Sarajevu.

Član 8.

Na odnose koji eventualno nisu uređenim ovim sporazumom primjenjivat će se odredbe Zakona o obligacionim odnosima.

Član 9.

Sporazum je sačinjen u 4 (četiri) istovjetna primjerka, od kojih svaka Ugovorna strana zadržava po 2 (dva) primjerka.

PRIPREMILA
Amira Petrović, BA opšteg prava
Referent za pravne poslove

AP

KONTROLISALA:
Sadeta Hraštemović, dipl. iur.
Koodinator za javne nabavke

SH

Dobavljač:
„Inel-Med“ d.o.o. Mostar
DIREKTOR
Mira Tadić
Mira Tadić



Kupac:
Javna ustanova Opća bolnica
„Prim. dr. Abdulah Nakaš“
DIREKTOR
Zlatko Kravić
Prim.dr Zlatko Kravić

Broj: 01-0206-12
Mostar, 05.05.2017.

Broj: 688-16/17
Sarajevo, 30.05.2017. godine